

# 合浦建置沿革考

(合浦县志卷一)

## 輿地志

合浦白汉平南越列入中国版图，世运迭更，代有沿革，郡县疆域，至明始定称名。此中形势之险夷，山川之流峙，气候之寒奥，户口之减增，目营而心，周之阶前。即万里也志輿地。

## 沿革

合浦县属廉州府附郭，《禹贡》为荆州南境，秦为象郡地，汉为合浦郡之合浦县，后汉为合浦郡治，三国吴改为珠官寻复故。晋因之分置越州（治临漳领合浦郡）齐移郡徐闻以县属焉，梁陈复为郡治，隋平陈郡废，大业初仍为郡治，唐为廉州治。五代属南汉，置媚川都常乐州分置石康县，宋开宝五年并封山蔡龙大廉为合浦县，废常乐州，以博电零绿盐场三县为石康县。太平兴国八年省合浦县入石康，咸平元年复置，仍为州治。元为廉州路治，明洪武元年后为府治，七年改府为州，十四年后为府，合浦石康如故，成化八年石康破于僚寇，遂并入合浦，清因之。

## 《中国古今地名大辞典》

合浦郡，汉置。治徐闻，今为广东海康县治。后汉徙治合浦，即今合浦县治。梁陈间移郡还徐闻，隋复移合浦，元废。

合浦县，汉置。故县在今广东合浦县东北 75 里，宋徙今治。明清皆为广东廉州府治，民国初属广东钦廉道。

(摘自民国廿年本《合浦县志》)

表 2 - 1

历史纪年	公元	郡州名	州郡治	雷州三县沿革概况				
				海康	徐闻	遂溪		
汉武帝元鼎六年	-111	合浦郡	徐闻县		徐闻县			
光武帝建武十八年	42	合浦郡	合浦县		徐闻县			
三国吴大帝黄武七年	228	珠官郡			徐闻县			
三国吴大帝赤乌五年	242	珠崖郡	徐闻县		徐闻县			
晋武帝太康一年	281	合浦郡	合浦县		徐闻县			
南北朝	朝宋明帝泰始七年	471	合浦郡	合浦县				
	齐武帝		合浦郡	徐闻县				
	齐武帝永明		齐康郡	乐康县		乐康县		
	永明二年	484	齐康郡	齐康县		齐康县		
	梁武帝普通四年	523	合州	齐康县	抢并 (抢成)	齐康县	扇沙县 横县	大同间、析石模 落、罗阿、雷川 三县
	梁武帝太清元年	547	南合州	齐康县		康县	扇沙县 横县	
	陈武帝永定二年	558	南合州	齐康县	抢并	齐康县	扇沙县 横县	
隋文帝开皇九年	589	合州	海康县	海康县	隋康县		开皇八年改齐康 县为隋康县	
隋文帝开皇十年	590	禄州	海康县	海康县	隋康县	铁杷县 横川县	开皇十年，置铁 杷县；开皇十八 年改扇沙横县为 横川县	
炀帝大业三年	607	合浦郡	海康县	海康县	隋康县	铁杷县 扇沙县	大业初，废模落 罗阿雷川三县人 海康	
唐高祖武德四年	621	南合州	海康县	海康县	隋康县	铁杷县 横川县	武德五年，复置 横川县	
太宗贞观元年	627	东合州	海康县	海康县	隋康县	铁杷县 扇沙县		
太宗贞观二年	628	东合州	海康县	海康县	徐闻县	铁杷县 扇沙县	唐志云徐闻本隋 康	
太宗贞观八年	634	雷州	海康县	海康县	徐闻县	铁杷县、 扇沙县	贞观二年，改名 徐闻	
玄宗			海康县	海康县	徐闻县			

(摘自《湛江文史资料》第一辑(1984年9月))

表 2 - 2

两汉	汉置合浦郡后汉为合浦郡治
三国	合浦郡治
	珠官县吴置属珠官郡
晋	合浦郡治
	珠官县属合浦郡
	荡昌县属合浦郡
	新安县东晋置属合浦郡南
南	合浦郡治
	珠官县属合浦郡
	荡昌县属合浦郡
	新安县属合浦郡
宋	越州临漳郡泰始七年置
	龙苏郡泰始七年置属越州
	安昌郡泰始七年置属越州
	百梁郡泰始七年置属越州
齐	齐属合浦郡
	梁陈为合浦郡治
	珠官县 省
	荡昌县齐属合浦郡梁陈间废
	越州临漳郡齐领漳平丹成石容成长石都并后端七县梁陈间移越州治合浦县郡废
	漳平县齐临漳郡治梁陈间废
梁陈	龙苏郡
	龙苏县龙苏郡治
	安昌郡齐领武桑龙渊石秋抚林四县梁陈间并废
	百梁郡齐领百梁始昌宋西三县梁陈间并废
	封山郡齐置领安全一县梁陈间废郡为封山县
	大廉县梁陈间置
隋	合浦郡治
	龙苏郡开皇十年废
	龙苏县属合浦郡
	封山县大业初省廉昌县入合浦郡
	大廉县大业初省入龙苏县
唐	廉州治
	龙苏县省
	安昌县武德五年置属越州贞观十二年省入合浦县
	封山县武德五年置姜州分置东罗县贞观十年州废并属廉州寻省东罗县
	大廉县武德五年后置属廉州
	蔡龙县武德五年置属姜州贞观十年州废属廉州

续表 2-2

五代	廉州治
	封山县属廉州
	大廉县属廉州
	蔡龙县属廉州
	常乐州南汉乾亨元年置搏电零绿盐场三县
宋	初为廉州治开宝五年并封山蔡龙大廉入合浦，废常乐州置石康太平兴国八年建太平军省合浦入石康，平二年复置仍为廉州治
	封山县开宝五年省入合浦县
	大廉县开宝五年省入合浦县
	蔡龙县开宝，年废改置石康县属廉州
	石康县
元	廉州路治
	石康县属廉州路
明	廉州府治
	石康县成化八年省入合浦
清	廉州府治

表 2-3

廉州沿革表一、二、三

(一)	
两 汉	合浦郡后汉移置
三 国	合浦郡吴黄武七年更名珠官郡孙亮时复故
晋	合浦郡
南 宋	合浦郡泰始七年置越州
(二)	
齐梁陈	合浦郡齐徙徐闻县梁陈间复移郡及越州来治
隋	合浦郡开皇十年郡废大业初汉越州为禄州寻改为合州后复为合浦郡
唐	廉州合浦郡，武德五年复置越州贞观八年改为廉州天宝元年改合浦郡乾元元年复为廉州属岭南道
五 代	廉州，属南汉
(三)	
宋	廉州合浦郡，太平兴国八年废州置太平军，平元年后故，属广南西路
元	廉州路至元十七年改廉州路属海北海南道
明	廉州府洪武元年改廉州府七年降为州，九年属雷州府，十四年后为府属广东布政司
清	廉州府光绪十五年改钦州为直隶州与廉州府分治

表 2 -4

阶段	历史纪年	公元	郡州名	州郡治	雷州三县沿革概况			
					海康	徐闻	遂溪	
	天宝元年	742	梅康郡	海康县	海康	徐闻	遂溪	天宝二年，并铁杷、扇沙二县，改遂溪县
	肃宗至德二年	757	雷州	海康县	海康	徐闻	遂溪	
	乾元元年	758	雷州	海康县	海康	徐闻	遂溪	
五代	后梁太祖开平四年	910	海康郡	海康县	海康	徐闻	遂溪	
代	南汉刘龔乾亨元年	917	古合州	海康县	海康	徐闻	遂溪	
	宋太祖开宝四年	971	雷州军	海康县	海康	徐闻	遂溪	
	太祖开宝五年	972	雷州军	海康县	海康	遂角场	遂溪	
	高宗绍兴二年	1133	雷州军	海康县	海康		遂溪	绍兴十九年，复置遂溪县
	孝宗乾道七年	1171	雷州军	海康县	海康	徐闻	遂溪	乾道七年，复置徐闻县
	元世祖至元十五年	1278	雷州路	海康县	海康	徐闻	遂溪	
	明太祖洪武元年	1368	雷州府	海康县	海康	徐闻	遂溪	
	清		雷州府	海康县	海康	徐闻	遂溪	

(摘自《湛江文史资料》第一辑(1984年9月))

秦纪二，三十三年(公元前214年)，发诸尝逋亡人，赘婿、贾人为兵，(贾谊曰：秦人家贫壮则出赘。师占曰：挈货贩易者为商，坐市贩卖者为贾)。略取南越，陆梁地，置桂林、南海、象郡；(桂林因产桂而名。合浦以南，山间无杂木，冬夏长青，叶长尺余。师古曰：桂林，今桂州界是其地，非郁林也。南海郡今广州。茂陵书曰：象郡治临尘，去长安万七千五百里。韦明曰：今日南是也)。以谪徙民五十万人戍五岭，与越杂处。

《中国古今地名大辞典》(869页)：

陆梁地，今广东、广西。秦时为陆梁地，《史记始皇纪》始皇略取陆梁地为

桂林、象郡。以适遣戍，[正义]岭南之人，多处山陆，其性强梁，故曰陆梁。

（摘自司马光《资治通鉴》第一册，卷七，第九四三页）

汉纪四，高祖十一年（公元前196年）五月，诏立秦南海尉赵佗为南粤王，（晋志：秦使任嚣、赵佗攻粤，略取陆梁地，遂定南粤，以为桂林、南海、象三郡，非三十六郡之限；乃置南海尉以典之，所谓「东南一尉」也。余谓始皇二十六年，分天下为十三郡，郡置守、尉、监。三十三年，取南粤、置南海、桂林、象郡；此南海尉止典南海一郡兵，犹三十六郡之尉也。安得兼典桂林、象郡。任嚣既死，秦已破灭，赵佗始击并桂林、象郡，以此知非兼典也）。使陆贾即援玺绶，与剖符通使，使和集百粤，无为南边患害。

初，秦二世时，南海尉任嚣（音教）病且死，召龙川令赵佗，语曰：“秦为无道，天下苦之。闻陈胜等作乱，天下未知所安。南海僻远，吾恐盗兵侵地至此，欲兴兵绝新道自备，待诸侯变；会病甚。且番禺负山险，阻南海，东西数千里，颇有中国人相辅；此亦一州之主也，可以立国。郡中长吏，无足与言者，故召公告之。”即被佗书，行南海尉事。嚣死，佗即移檄告横浦、阳山、湟谿关曰：……

（武帝伐南越，遣杨仆出豫章，下横浦；则横浦通豫章之路也。杜佑曰：横浦关在虔州大庾县西南。南康记曰：南野大庾岭三十里至横浦，有秦时关，其下为塞上）。“盗兵且至，急绝道，聚兵自守！”因稍以法诛秦所置长吏，以其党为假守。秦已破灭，佗即击并桂林、象郡，（桂林，后武帝改为郁林郡。象郡，武帝改为日南郡）自立为南越武王。

（摘自司马光《资治通鉴》卷十二，第三九三页）

汉纪五，四年（公元前184年），有司请禁南越关市铁器。南越王佗曰：“高帝立我，通使物。今高后听谗臣，别异蛮夷，隔绝器物，此必长沙王计，欲倚中国击灭南越而并王之，自为功也。”五年（前183）春，佗自称南越武帝，发兵攻长沙，败数县而去。七年（前181）遣隆虑侯周灶将兵击南越。（班志，隆虑属河内郡；至后汉，避殇帝讳，改曰林虑）。

（摘自司马光《资治通鉴》第二册，卷一十三）

太宗孝文皇上，元年（公元前179年）初，隆虑侯灶击南越。会暑湿，士卒

大疫，兵不能逾岭。岁余，高后崩，即罢兵。赵佗因此以兵威财物赂遗闽越、西瓯、骆役属焉。（刘昫曰：唐党州，古西瓯所居也；汉属林郡界，骆、越也；唐贵州至平县，古西瓯、骆越所居，汉为林广至县地。又，潘州亦西瓯、骆越地，汉合浦郡地也。又高州茂名县及郁林军，亦古西瓯之地。宋白曰：西瓯者，即骆越也；言西者，以别东瓯也。广州记曰：交趾有骆田，仰潮水上下；人食其田，名为骆侯，诸县自名为骆将，铜印青绶，即今之令。后蜀王子将兵讨骆侯，自称为安阳王，治封溪县。南越王尉佗攻破安阳王，令二使典主交趾、九真二郡，即瓯骆也）。东西万余里，乘黄屋左纛，称制与中国侔。

帝乃为佗亲冢在真定者置守邑，岁时奉祀；召其昆弟，尊官、厚赐宠之。复使陆贾使南越，赐佗书曰：“朕，高皇帝侧室之子也，（师古曰：言非正嫡所生）弃外，奉北藩于代，道里辽远，壅蔽朴愚，未尝致书。高皇帝弃群臣，孝惠皇帝即世；高后自临事，不幸有疾，吕为变，赖功臣之力，诛之已毕。朕以王、侯、吏不释之故，不得不立。今即位。乃者闻王遗将军隆虑侯书，求亲昆弟，请罢长沙两将军。（佗真定人，新昆弟皆在真定，古来求之。吕后七年，佗反，攻长沙，故遗两将军屯于长沙以备之）。以王书罢将军博阳侯；亲昆弟在真定者，已遣人存问，修治先人冢。前日闻王发兵于边，为寇灾不止。当其时，长沙苦之，南郡尤甚；虽王之国，庸独利乎！必多杀士卒，伤良将吏，寡人之妻，孤人之子，独人父母；得一亡十，朕不忍为也。朕欲定地犬牙相入者，以问吏，吏曰：‘高皇帝所以介长沙土也（介，隔也）’，朕不得擅变焉。今得王之地，不足以为大；得王之财，不足以为为富。服领以南，王自治之。虽然，王之号为帝。两帝并立，亡一乘之使以通其道，是争也；争而不让，仁者不为也。愿与王分弃前恶，终今以来，通使如故。”

贾至南越。南越王恐，顿首谢罪，愿奉明诏，长为藩臣，奉贡职。于是下令国中曰：“吾闻两雄不俱立，两贤不并世。汉皇帝，贤天子。自今以来，去帝制、黄屋、左纛。”因为书称：“蛮夷大长老夫臣佗昧死再拜，上书皇帝陛下，曰：老夫，故越吏也，高皇帝幸赐臣佗玺，以为南越王。孝惠皇帝即位，义不忍绝，所

以赐老夫者厚甚。高后用事，别异蛮夷，出令曰：‘毋与蛮夷越金、铁、田器、马、牛、羊。即予，予牡，毋予牝（牡，雄也，牝，雌也。恐其蕃息，故不予牝）。’老夫处僻，马、牛、羊齿已长。自以祭祀不修，有死罪，使内史藩、中尉高、御史平凡三辈上书谢过，皆不反。又风闻老夫父母坟墓已坏削，兄弟宗族已诛论。吏相与议曰：“‘今内不得振于汉，外亡以自高异。’故更号为帝，自帝其国，非敢有害于天下。高皇后闻之，大怒，削去南越之籍，使使不通。老夫窃疑长沙王谗臣，故发兵以伐其边。老夫处越四十九年，于今抱孙焉。然夙兴夜寐，寝不安席，食不甘味，目不视靡曼之色，耳不听钟鼓之音者，以不得事汉也，今陛下幸哀怜，复故号，通使汉如故；老夫死骨不腐。改号不敢为帝矣！”

（摘自司马光《资治通鉴》卷十三，汉纪五）

汉纪九，建元四年（公元前137年），是岁，南越王佗死，其孙文王胡立。

（摘自司马光《资治通鉴》卷十七）

汉纪十二，武帝元鼎四年（公元前113年），初，南越文王遣其子婴齐入宿卫（南越王胡薨，谥文王。婴齐入宿卫，见十七卷建元元年），在长安取邯郸缪氏女，生子兴。（文王薨，婴齐立，乃藏其先武帝玺，赵佗自号南越武帝），上书请立缪氏女为后，兴为嗣。汉数使使者风谕婴齐入朝。婴齐尚乐擅杀生自恣，惧入见要，用汉法比内诸侯。固称病，遂不入见。婴齐薨，谥曰明王。太子兴代立，其母为太后。

（摘自司马光《资治通鉴》卷二十）

汉纪十二，武帝元鼎六年（公元前111年），楼船将军杨仆入越地，先陷寻峡（在始兴西三百里，近连口也）。破石门，挫越锋。以数万人待伏波将军路博德至俱进，楼船居前，至番禺。南越王建德、相吕嘉城守。楼船居东南面，伏波居西北面。会暮，楼船攻败越人，纵火烧城。伏波为营，遣使者招降者，赐印绶，复纵令相招。楼船力攻烧敌，驱而入伏波营中。黎旦，城中俱降。建德、嘉已夜亡入海，伏波遣人追之。校尉司马苏弘得建德，越郎都稽得嘉。戈船、下濑将军兵救驰义侯所发夜郎兵未下，南越已平矣。遂以其地为南海、苍梧、郁林、合浦、交趾、九真、日南、珠崖、儋耳九郡。（南海，唐广州、循州之地。苍梧，注见

上。郁林，唐桂州、郁林、党、□州之地。合浦，唐廉、雷、潘州之地。交趾，唐安南之地。杜佑曰：南方夷人，其足大，指广开；若并足而立，其指交，故名交趾。刘欣期广州记曰：交趾之人出南定县，足骨无节，身有毛，卧者更扶乃得起。山海经：交胫国为人交胫。郭璞曰：脚胫曲戾相交，所谓：“雕题、交趾”也。九真，唐爱州之地。日南，唐驩州之地。……) 师还，上益封伏波；封楼船为将梁侯，苏弘为海常侯，都稽为监察侯，及越降将苍梧王赵光等四人皆为侯。

(摘自司马光《资治通鉴》卷二十)

汉纪十三，元封二年（公元前 109 年），是时，汉灭两越，平西南夷，置初郡十七（臣钻曰：元鼎六年，定南越地，以为南海、郁林、苍梧、合浦、九真、日南、交趾、珠崖、儋耳郡；定西南夷，以为武都、牂牁、越巂、沈黎、汶山郡；汉地理志、西南夷传所置犍为、零陵、益州凡 17），且以其故俗治，毋赋税。南阳、汉中以往郡，各以地此，给初郡吏卒奉食、币物、传车、马被具。而初郡时时小反，杀吏，汉发南方吏卒往诛之，间岁万馀人，费皆仰给大农。大农以均输，调盐铁助赋，故能赡之。然兵所过，县为以警给毋乏而已，不敢言擅赋法矣。

(摘自司马光《资治通鉴》卷二十一，六八六页)

汉纪十五，昭帝元凤五年（前 76 至 75 年）秋，罢象郡、分属郁林、牂牁。

(班志：郁林故秦桂林郡)

(摘自司马光《资治通鉴》卷二十三)

光武帝建武五年（公元 29 年），王莽末，交趾诸郡闭境自守。（贤曰：交趾郡，今交州县也，南滨大海。輿地志云：其夷足大指开析；两足并立则相交。应劭曰：始开北方，遂交于南方，为子孙基趾也。余按武帝元鼎六年，置交趾州，治广信；时已开朔方，遂交于南方，为子孙基趾也。七郡，谓南海、苍梧、郁林、合浦、交趾、九真、日南，并属交州。余谓唐之交州、峰州皆汉交趾郡之地，固不可指唐交趾一县而言也）。岑彭素与交趾牧邓让厚善，与让书，陈国家威德；又遣偏将军屈充移檄江南，班行诏命。于是让与江夏太守侯登、武陵太守王堂、长沙相韩福、桂阳太守张隆、零陵太守田翕、苍梧太守杜穆、交趾太守锡光

汉纪十二，武帝元鼎四年（公元前 113 年），初，南越文王遗其子婴齐入宿

卫（南越王胡薨，谥文王。婴齐入宿卫，见十七卷建元元年），在长安取邯郸缪氏女，生子兴。（文王薨，婴齐立，乃藏其先武帝玺，赵佗自号南越武帝），上书请立缪氏女为后，兴为嗣。汉数使使者风谕婴齐入朝。婴齐尚乐擅杀生自恣，惧入见要，用汉法比内诸侯。固称病，遂不入见。婴齐薨，谥曰明王。太子兴代立，其母为太后。

（摘自司马光《资治通鉴》卷二十）

汉纪十二，武帝元鼎六年（公元前111年），楼船将军杨仆入越地，先陷寻峡（在始兴西三百里，近连口也）。破石门，挫越锋。以数万人待伏波将军路博德至俱进，楼船居前，至番禺。南越王建德、相吕嘉城守。楼船居东南面，伏波居西北面。会暮，楼船攻败越人，纵火烧城。伏波为营，遣使者招降者，赐印绶，复纵令相招。楼船力攻烧敌，驱而入伏波营中。黎旦，城中俱降。建德、嘉已夜亡入海，伏波遣人追之。校尉司马苏弘得建德，越郎都稽得嘉。戈船、下濑将军兵救驰义侯所发夜郎兵未下，南越已平矣。遂以其地为南海、苍梧、郁林、合浦、交趾、九真、日南、珠崖、儋耳九郡。（南海，唐广州、循州之地。苍梧，注见上。郁林，唐桂州、郁林、党、口州之地。合浦，唐廉、雷、潘州之地。交趾，唐安南之地。杜佑曰：南方夷人，其足大，指广开；若并足而立，其指交，故名交趾。刘欣期广州记曰：交趾之人出南定县，足骨无节，身有毛，卧者更扶乃得起。山海经：交胫国为人交胫。郭璞曰：脚胫曲戾相交，所谓：“雕题、交趾”也。九真，唐爱州之地。日南，唐罐州之地。……）师还，上益封伏波；封楼船为将梁侯，苏弘为海常侯，都稽为监察侯，及越降将苍梧王赵光等四人皆为侯。

（摘自司马光《资治通鉴》卷二十）

汉纪十三，元封二年（公元前109年），是时，汉灭两越，平西南夷，置初郡十七（臣钻曰：元鼎六年，定南越地，以为南海、郁林、苍梧、合浦、九真、日南、交趾、珠崖、儋耳郡；定西南夷，以为武都、牂牁、越雋、沈黎、汶山郡；汉地理志、西南夷传所置犍为、零陵、益州凡17），且以其故俗治，毋赋税。南阳、汉中以往郡，各以地此，给初郡吏卒奉食、币物、传车、马被具。而初郡时

时小反，杀吏，汉发南方吏卒往诛之，间岁万馀人，费皆仰给大农。大农以均输，调盐铁助赋，故能贍之。然兵所过，县为以訾给毋乏而已，不敢言擅赋法矣。

(摘自司马光《资治通鉴》卷二十一，六八六页)

汉纪十五，昭帝元凤五年（前 76 至 75 年）秋，罢象郡、分属郁林、牂牁。

(班志：郁林故秦桂林郡)

(摘自司马光《资治通鉴》卷二十三)

光武帝建武五年（公元 29 年），王莽末，交趾诸郡闭境自守。（贤曰：交趾郡，今交州县也，南滨大海。輿地志云：其夷足大指开析；两足并立则相交。应劭曰：始开北方，遂交于南方，为子孙基趾也。余按武帝元鼎六年，置交趾州，治广信；时已开朔方，遂交于南方，为子孙基趾也。七郡，谓南海、苍梧、郁林、合浦、交趾、九真、日南，并属交州。余谓唐之交州、峰州皆汉交趾郡之地，固不可指唐交趾一县而言也）。岑彭素与交趾牧邓让厚善，与让书，陈国家威德；又遣偏将军屈充移檄江南，班行诏命。于是让与江夏太守侯登、武陵太守王堂、长沙相韩福、桂阳太守张隆、零陵太守田翕、苍梧太守杜穆、交趾太守锡光等相率遣使贡献；悉封为列侯，锡光者、汉中人，在交趾，教民夷以礼义；帝复以宛人任延为九真太守，延教民耕种稼娶，故岭南华风始二守焉。

(摘自司马光《资治通鉴》第三册，卷四十一，第一三三八页)

光武帝建武十二年（公元 36 年），费贻仕至合浦太守。（郡国志：合浦郡，在洛阳南九千一百九十一里。）

(摘自司马光《资治通鉴》第三册，卷四十三，第一三七六页)

交趾烦麓泠县雒将女子征侧，甚雄勇（师古曰：麓泠，音麋零。交州外域记曰：交趾者未有郡县之时，土地有洛田，民垦食其田，因名为洛民，设洛王、洛侯，主诸郡县。县有洛将、铜印青绶。宋白曰：峰州，汉麋泠县地）。交趾太守苏定以法绳之，征侧忿怨。

(摘自司马光《资治通鉴》第三册，卷四十三，第一三八七页)

光武帝建武十六年（公元 40 年）春，2 月，征侧与其妹征贰反，九真、日南、合浦蛮俚皆应之，（郡国志：日南郡、秦象郡地，在洛阳南万三千四百里。贤曰：

俚、蛮之别号，今呼为俚人。宋白曰：爱州、汉、九真郡，治胥浦里。驩州，汉日南郡，治朱吾县。）凡略六十五城，自立为王，都麓冷。交趾刺史及诸太守仅得自守。

（摘自司马光《资治通鉴》第三册第一三八八页）

光武帝建武十七年（公元41年），征侧等寇乱连年，诏长沙、合浦、交趾具车船，修道桥，通障谿（山谿为阻，则治桥道以通之），储粮谷，拜马援为伏波将军，以扶乐侯刘隆为副，南击交趾。

（摘自司马光《资治通鉴》第三册，卷四十三，第一三九一页）

汉纪三十八，章帝建初八年（公元83年），帝以侍中会稽郑弘为大司农。旧交趾七郡贡献转运，皆从东冶泛海而至（交趾部南海、苍梧、郁林、合浦、交趾、九真、日南七郡）。风波艰阻，沉溺相系。弘奏开零陵、桂阳峽道，自是夷通，遂为常路。在职二年，所省息以亿万计。遭天下旱，边方有警，民食不足，而帑藏殷积。弘又奏宜省贡献，减徭费以利饥民。帝从之。

（摘自司马光《资治通鉴》第四册，卷四十六，第一四九五页）

汉纪四十，和帝永元十五年（公元103年），岭南旧贡生龙眼、荔枝，十里一置，五里一候，昼夜传送。临武长汝南唐羌上书曰：“臣闻上不以滋味为德，下不以贡膳为功。伏见交趾七郡（交趾州部南海、苍梧、郁林、合浦、交趾、九真、日南七郡）献生龙眼等，鸟惊风发；南州土地炎热，恶虫猛兽，不绝于路，至于触犯死亡之害。死者不可复生，来者犹可救也。此二物升殿，未必延年益寿。”帝下诏曰：“远国珍羞，本以荐奉宗庙，苟有伤害，岂爱民之本，其敕太官勿复受献！”

（摘自司马光《资治通鉴》第四册，卷四十八，第一五五九页）

汉纪四十二，元初三年（公元116年）春，正月，苍梧、郁林、合浦蛮夷反（三郡皆属交州）。二月，遣侍御史任逄督州郡兵讨之。冬，十一月，苍梧、郁林、合浦蛮夷降。

（摘自司马光《资治通鉴》第四册，卷五十，第一五九六页）

光和元年（公元178年），是年改元。春，正月，合浦、交趾乌浒蛮反，招

引九真、日南民攻没郡县。

（摘自司马光《资治通鉴》第四册，卷五十七，第一八四四页）

光和四年（公元181年），交趾乌浒蛮久为乱，牧守不能禁。交趾人梁龙复反，攻破郡县。诏拜兰陵令会稽朱俊为交趾刺史，击斩梁龙，降者数万人，旬月尽定；以功封都亭侯，征为谏议大夫。

（摘自司马光《资治通鉴》第五册，卷五十八，第一八五九页）

中平元年（公元184年），交趾土多珍货，前后刺史多无清行，财计盈给，辄求迁代，故吏民怨叛，执刺史及合浦太守来达，自称柱天将军。三府选京令东郡贾琮为交趾刺史。琮到部，讯其反状，咸言“赋敛过重，百姓莫不空单。京师遥远，告冤无所，民不聊生，故聚为盗贼”。琮即移书告示，各使安其资业，招抚荒散，蠲复徭役，诛斩渠帅为大害者，简选良吏试守诸县，岁间荡定，百姓以安。巷路为之歌曰：“贾父来晚，使我先反；今见清平，吏不敢饭！”

（摘自司马光《资治通鉴》第五册，卷五十八，第一八七一页）

献帝建安十五年（公元210年）初，苍梧士燮为交趾太守，黄有领九真太守，武领南海太守。燮体器宽厚，中国士人多往依之。雄长一州，偏在万里，威尊无上，出入仪卫甚盛，震服百蛮。

（摘自司马光《资治通鉴》第五册，卷六十六，第二一〇四至二一〇五页）

文帝黄初二年（公元221年），帝遣使求雀头香、大贝、象牙、明珠、犀角、玳瑁、孔雀、翡翠、斗鸭、长鸣鸡于吴。（本草以香附子为雀头香。此物处处有之，非珍也，恐别是一物。贝，质白如玉，紫点为纹，皆行列相当。明珠，出合浦，大者径寸。象出交趾，雄者有两长牙，长丈余。犀亦出交趾，惟通天犀最贵，角有白理如线，置米群鸡中，鸡往啄米，见犀辄惊却，南人呼为骇鸡犀。玳瑁状如龟，腹背甲有烘点，其大者如盘盂。诸蕃志：玳瑁形如龟，鼈，背甲十三片，黑白斑纹间错，边栏缺齿如锯。四肢前长后短，以肢棹水而行……）吴群臣曰：“荆、扬二州，贡有常典。魏所求珍玩之物，非礼也，宜勿与。”吴王曰：“方有事于西北，江表元元，恃主为命。彼所求者，于我瓦石耳，孤何惜焉！且彼在谅闇之中。而所求若此，宁可与言礼哉！”皆具以与之。

（摘自司马光《资治通鉴》第五册，卷六十九，第二一九七页）

文帝黄初七年（公元226年），是岁，吴交趾太守士燮卒，吴王以燮子徽为安远将军，领九真太守，以校尉陈时代燮。交州刺史吕岱以交趾绝远，表分海南三郡为交州，以将军戴良为刺史；海东四郡为广州，岱自为刺史；（海南三郡，交趾、九真、日南也。海东四郡，苍梧、南海、郁林、合浦也。）遣良与时南入。而徽自署交趾太守，发宗兵拒良，良留合浦。交趾桓邻，燮举吏也，叩头谏徽，使迎良。徽怒，笞杀邻，邻兄治合宗兵击，不克。吕岱上疏请讨徽，督兵三千人，晨夜浮海而往。或谓岱曰：“徽藉累世之恩，为一州所附，未易轻也。”岱曰：“今徽虽怀逆计，未虞吾之卒至，若我潜军轻举，掩其无备，破之必也。稽留不速，使得生心，婴城固守，七郡八蛮云合响应，虽有智者，谁能图之！”遂行，过合浦，与良俱进。岱以燮弟子辅为师友从事，遣往说徽。徽率其兄六人出降，岱皆斩之。

（摘自司马光《资治通鉴》第五册，卷七十，第二二三一页）

正始九年（公元248年），吴交趾、九真夷贼攻没城邑，交部骚动。吴主以衡阳督军都尉陆胤为交州刺史、安南校尉。胤入境，喻以恩信，降者五万余家，州境复清。

（摘自司马光《资治通鉴》第六册，卷七十五，第二三七五页）

泰始四年（公元268年）九月，吴交州刺史刘俊、大都督脩则、将军顾容前后三攻交趾，交趾太守杨稷皆拒破之。郁林、九真皆附于稷。稷遣将军毛晃、董元攻合浦，战于古城（古城，盖合浦古城也）。大破吴兵，杀刘俊、脩则，余兵散还合浦。稷表晃为郁林太守，元为九真太守。

泰始四年冬十月

吴将顾容寇郁林，太守毛晃大破之，斩其交州刺史刘俊，将军脩则。

合浦郡统县六，户二千

合浦、南平、荡昌、徐闻、毒质、珠官。

三国。吴甘露二年春二月，以左右御史大夫丁固、孟仁为司徒、司空。秋九月皓出东关，丁奉至合肥，是岁，遣交州刺史刘俊，前部督脩则等入击交趾，为

晋将毛灵等所破，皆死兵散还合浦。

（摘自司马光《资治通鉴》第六册，卷七十九，第二五〇八页）

武帝泰始五年，薛（公元269年），吴主遣监军虞汜、威南将军薛珣、苍梧太守丹阳陶璜从荆州道，监军李勣、督军徐存从建安海道（经荆州道，逾岭而入交、广也），皆会于合浦，以击交趾。

（摘自司马光《资治通鉴》第六册，卷七十九，第二五一一页）

武帝泰始七年（公元271年），吴大都督薛珣与陶璜等兵十万，共攻交趾，城中粮尽援绝，为吴所陷，虏杨稷、毛灵等。璜爱灵勇健，欲活之，灵谋杀璜，璜乃杀之。脩则之子允，生剖其腹，割其肝，曰：“复能作贼不？”灵犹骂曰：“恨不杀汝孙皓，汝父何死狗也！”王素欲逃归南中，吴人获之，九真、日南皆降于吴。吴大赦，以陶璜为交州牧，璜讨降夷獠（音老），州境皆平。

（摘自司马光《资治通鉴》第六册，卷七十九）

武帝太康元年（公元280年），诏曰：“昔自汉末，四海分崩，刺史内亲民事，外领兵马。今天下为一，当韬戢干戈，刺史分职，皆如汉氏故事；悉去州郡兵，大郡置武吏百人，小郡五十人。”交州牧陶璜上言：“交、广州西数千里，（交州统合浦、交趾、新昌、武平、九真、九德、日南。广州统南海、临贺、始安、始兴、苍梧、郁林、桂林、高凉、高兴、宁浦郡。）不宾属者六万余户，至于服从官役，才五千余家。二州唇齿，唯兵是镇。又，宁州诸夷，接据上流，水陆并通，州兵未宜约损，以示单虚。”卜射山涛亦言“不宜去州郡武备”。帝不听。及永宁以后，盗贼群起，州郡无备，不能禽制，天下遂大乱，如涛所言。然其后刺史复兼兵民之政，州镇愈重矣。

（摘自司马光《资治通鉴》第六册，卷八十一，第二五七五页）

永嘉五年（公元311年），以太子太傅傅祗为司徒，尚书令荀藩为司空，加王浚大司马、侍中、大都督、督幽、冀诸军事，南阳王模为太尉、大都督，张轨为车骑大将军，琅邪王睿为镇东大将军，兼督扬、江、湘、交、广五州诸军事。

（摘自司马光《资治通鉴》第六册，卷八十七，第二七六页）

建兴三年（公元315年）初，交州刺史顾秘卒，州人以秘子寿领州事。帐下

督梁硕起兵攻寿，杀之，硕遂专制交州。王机自以盗据广州，恐王敦讨之，更求交州。会杜弘诣机降，敦欲因机以讨硕，乃以降杜弘为机功，转交州刺史。机至郁林（郁林，秦桂林郡地。汉武帝平南越，更置郁林郡；唐浔州桂平县，古郁林郡所治布山县也）。硕迎前刺史脩则子湛行州事以拒之。机不得进，乃更与杜弘及广州将温邵、交州秀才刘沈谋复还据广州。

（摘自司马光《资治通鉴》第六册，卷八十九，第二八二四页）

太宁元年（公元323年），梁硕据交州，凶暴失众心。陶侃遣参军高宝攻硕，斩之。诏以侃领交州刺史，进号征南大将军、开府仪同三司。未几，吏部郎阮放求为交州刺史，许之。放行至宁浦，（广州记曰：汉献帝建安二十三年，吴分郁林郡立宁浦郡。晋太康地志曰：武帝太康七年，改合浦属国都尉立宁浦郡。唐为横州宁浦县浦滂五翻）。遇高宝，为宝设饌，伏兵杀之，宝兵击放，放走，得免到州。少时，病卒。放，咸之族子也。（阮咸有名于魏、晋之间。）

《现代汉语词典》：

属国，封建时代作为宗主国的藩属的国家。

藩属，封建王朝的属国或属地。藩国、外藩。

（摘自司马光《资治通鉴》第六册，卷九十二，第二九一二页）

义熙七年（公元411年），卢循行收兵至番禺，遂围之，孙处拒守二十余日。沈田子言于刘藩曰：“番禺城虽险固，本贼之巢穴；今循围之，或有内变。且孙季高众力寡弱，不能持久，若使贼还据广州，凶势复振矣。”夏，四月，田子引兵救番禺，击循，破之，所杀万余人。循走，田子与处共追之，又破循于苍梧、郁林、宁浦（苍梧、郁林，汉古都。宁浦郡，吴分合浦郡立。苍梧，唐之玉州；郁林，唐之郁林州；宁浦，唐之横州。）会处病，不能进，循奔交州。

初，九真太守李逊作乱，（九真，汉古都，唐之爱州。）交州刺史交趾杜瑗讨斩之。瑗卒，朝廷以其子慧度为交州刺史。诏书未至，循袭破合浦，（合浦，汉古郡，唐之廉州）径向交州；慧度帅州府文武拒循于石碛，破之。循余众犹三千人，李逊余党李脱等结集俚獠五千人以应循。庚子，循晨到龙编南津（交趾郡龙编县，后改龙渊）；慧度悉散家财以赏军士，与循合战，掷雉尾炬焚其舰，以步

兵夹岸射之，循众舰俱然，兵众大溃，循知不免，先鸬妻子，召妓妾问曰：“谁能从我死者？”多云：“雀鼠贪生，就死实难。”或云：“官尚当死，某岂愿生！”乃悉杀诸辞死者，因自投于水。慧度取其尸斩之，并其父子及李脱等，函七首送建康。

（摘自司马光《资治通鉴》卷一百一十六，第三六四五页）

大明八年（公元464年），宋之境内，凡有州二十二，郡二百七十四，县千二百九十九，户九十四万有奇。（此大较以沈约宋志为据，沈约作志，大较以是年为正，然是年止二十一州耳，沈志所谓二十二州，以明帝泰始七年分交广置越州足之；而此时又已省司州，盖止二十一州也。……交州，领交趾、武平、新昌、九真、九德、日南、合浦、义昌、宋平九郡。……）东方诸郡连年岁旱、饥，（东方诸郡谓三吴及浙江东五郡）。米一升钱数百，建康亦至百余钱，饿死什六七。

（摘自司马光《资治通鉴》卷一百二十九，第四〇七〇——四〇七一页）

泰始七年（公元471年）春，二月，戊戌，分交、广置越州，治临漳（刘昫曰：廉州治合浦县，秦象郡地，吴改为珠官郡，宋分置临漳郡及越州，领郡三，治于此。又据沈约志：越州领百梁、龙苏、永宁、永昌、富昌、南流、临漳、合浦、宋寿九郡。肖子显曰：临漳郡本合浦郡之北界也。按沈约宋志作“临障”，宋白续通典作“临瘴”，以临界内瘴江为名。瘴江，一名合浦江）。

（摘自司马光《资治通鉴》卷一百三十三，第四一五六页）

泰始七年（公元471年），上恶太子屯骑校尉寿寂之勇健；会有司奏寂之擅杀逻将，徙越州（徙合浦也）于道杀之。

（摘自司马光《资治通鉴》卷一百三十三，第四一五六页）

元徽二年（公元474年），攸之曰：“臣无廊庙之资，居中实非其才，至于朴讨蛮蜃，（蜃，亦蛮属，音荡旱翻，毛晃曰：蜃，南夷海种也。《桂海虞衡志》曰：蜃，海上水居蛮也，以舟为家。沿海蜃有三种：海蜃，取鱼；螾蜃，取螾；木蜃，伐山取材。大率皆取海物为粮，生食之，入水能视。陈师道曰：二广，居山谷间，不隶州县，谓之徭人；舟居谓之蜃人，岛居谓之黎人。余谓巴、黔亦自有蜃人。）克清江汉，不敢有辞……”

（摘自司马光《资治通鉴》卷一百三十三，第四七四页）

建元元年（公元479年）初，交州刺史李长仁卒，从弟叔献代领州事，以号令未行，遣使求刺史于宋，宋以南海太守沈焕为交州刺史，以叔献为焕宁远司马、武平、新昌二郡太守。叔献既得朝命，人情服从，遂发兵守险，不纳焕。焕停郁林，病卒。

秋，七月，丁未，诏曰：“交趾，比景独隔书朔，斯乃前运方季，因迷遂往，宜曲赦交州，即以叔献为刺史，抚安南土。”

（摘自司马光《资治通鉴》卷一百三十五，第四二三〇页）

建元二年（公元480年），是时，齐之境内，有州二十三，郡三百九十，县千四百八十五。郡三百九十，有寄治者，有新置者，有俚郡、獠郡、荒郡、左郡，无属县者，有或荒无民户者。郡县之建置虽多，而名存实亡，境土蹙于宋大明之时矣。

（摘自司马光《资治通鉴》卷一百三十五，第四二三七页）

永明二年（公元484年），交州刺史李叔献既受命而断割外国贡献，上欲讨之。

（摘自司马光《资治通鉴》卷一百三十六，第四二六五页）

永明三年（公元485年）春，正月，丙辰，以大司农刘楷为交州刺史，发南康、卢陵，始兴兵以讨叔献，叔献之闻遣使乞更申数年，献十二队纯银兜鍪及孔雀毚不许。叔献惧为楷所袭，间道自湘川还朝。（不敢取道南康、始兴，避刘楷之兵故也，问古□翻）。

（摘自司马光《资治通鉴》卷一百三十六，第四二六五页）

天监十年（公元511年），是岁，梁之境内有州二十三，（此据五代史志。按肖子显齐志，齐有扬、南徐、豫、兖、南兖、北徐、青、冀、江、广、交、越、荆、巴、郢、司、雍、梁、秦、益、宁、湘、南豫二十三州。时已废巴州，当以王茂所立宛州足之）。郡三百五十，县千二十二。是后州名浸多，废置离合，不可胜记。魏朝亦然。

（摘自司马光《资治通鉴》卷一百四十七，第四六〇一页）

大同七年（公元541年），（五代志：梁大通中，割潘州、合浦、立高州，在隋海康县界。端州新兴县，梁立新州。）

（摘自司马光《资治通鉴》卷一百五十八，第四九〇九页）

武帝大同八年（公元542年），孙同、卢子雄讨李贲，以春瘴方起，请待到秋；广州刺史新渝侯映不许，武林侯又趣之。同等到合浦，死者什六七。（趣谈曰促）众溃而归。映，憺之子也。

（摘自司马光《资治通鉴》卷一百五十八，第四九〇九页）

武帝太清二年（公元548年），（五代志：封山县属合浦郡，隋志有封山县，属合浦郡，盖梁置也。）

（摘自司马光《资治通鉴》卷一百六十一，第四九九五页）

大宝元年（公元550年）初，燕昭成帝奔高丽，使其族人冯业以三百人浮海奔宋，因留新会（晋恭帝元熙二年，分南海立新会郡；隋、唐为新会县，属广州。新会县在广州之西南三百三十里）。自业至孙融，世为罗州刺史（五代志：高凉郡石龙县旧置罗州。我朝为化州治所）。融子宝为高凉太守。（高凉县，汉属合浦郡；献帝建安二十二年，吴分立高凉郡，梁置高州）。高凉冼氏，世为蛮酋，部落十余万家，有女，多筹略，善用兵，诸洞皆服其信义；融聘以为宝妇。融虽累世为方伯，非其土人，号令不行；冼氏约束本宗，使从民礼，每与宝参决辞讼，首领有犯，虽亲无所纵舍，由是冯氏始得行其政。

高州刺史李迁仕据大皋口（五代志：高凉郡，梁置高州）。遣使召宝，宝欲往，冼氏止之曰：“刺史无故不应召太守，必欲诈君共反耳。”宝曰：“何以知之？”冼氏曰：“刺史被召援台，乃称有疾，铸兵聚众而后召君；此必欲质君以发君之兵也，愿且无往以观其变。”数日，迁仕果反，遣主帅杜平虏将兵入瀛石，城鱼梁以逼南康，陈霸先使周文育击之。冼氏谓宝曰：“平虏，骁将也，今人瀛石与官军相拒，势未得还，迁仕在州，无能为也。君若自往，必有战斗，宜遣使卑辞厚礼告之曰：“‘身未敢出，欲遣妇参。’彼闻之，必喜而无备（喜同喜）。我将千余人，步担杂物，唱言输贖，得到栅下，破之必矣。”宝从之。迁仕果不设备，冼氏袭击，大破之，迁仕走保宁都。文育亦击走平虏，据其城。冼氏与霸先会于

瀟石，还，谓宝曰：“陈都督非常人也，甚得众心，必能平贼，君宜厚资之。”

湘东王绎以霸先为豫州刺史，领豫章内史。

（摘自司马光《资治通鉴》卷一百六十三，第五〇四七页）

开皇九年（公元589年），岭南未有所附，数郡共奉高凉郡太夫人洗氏为主，（高凉县置高梁郡。洗音铣，又音线。）号圣母，保境拒守。诏遣柱国韦洸等安抚岭外，豫章太守徐璿据南康拒之。（徐璿自豫章退保南康，南康郡治赣县。洸古黄翻。）洸等不得进。晋王广遣陈叔宝遗夫人书，谕以国亡，使之归隋。夫人集首领数千人，终日恸哭，遣其孙冯魂帅众迎洸。（洗氏嫁冯融见一百六十三卷梁文帝大宝元年），洸击斩徐璿，入，至广州，说谕岭南诸州皆定；表冯魂为仪同三司，册洸氏为宋康郡夫人（宋文帝元嘉九年分高凉，立宋康郡，隋志：高凉郡杜原县，旧有永宁、宋康二郡。）洸，复之子也。

衡州司马任瓌劝都督王勇据岭南，求陈氏子孙，立以为帝；勇不能用，以所部来降，弃官去。忠之弟子也。于是陈国皆平，得州三十，郡一百，县四百。（按隋志：陈境当时有扬、东扬、南徐、吴、闽、丰、湘、巴、武、江、郢、广、东衡、衡、高、罗、新、洸、建、成、桂、东宁、静、南定、越、南合、崖、安、交、爱，凡三十州。）诏建康城邑宫室，并平荡耕垦，更于石头置蒋州。

（摘自司马光《资治通鉴》卷一百七十七，第五五一五页）

元帝初元二年（公元前47年），（海中有珠池。珠母者，蚌也。采珠必蜃丁，皆居海艇中，以大舶环池采珠；以石悬大绳，别以小绳系蜃腰，没水取珠。气迫则撼绳，绳动，舶人觉，乃绞取，人缘大绳上。然而死于采珠者亦多矣。）

南越王尉佗以兵威役属西瓯骆。（师古曰：西瓯，即骆越也。言西者，以别东瓯也）。余谓今安南之地。古之骆越也。珠崖，盖亦骆越地。宋白曰：高、贵二州，亦古骆越地。

（摘自司马光《资治通鉴》卷二十八，第三册，第九〇四页）

唐纪六，高祖武德五年（公元622年），甲辰，以隋交趾太守丘和为交州总管。（宋白曰：交州周为越裳重译之地，汉交趾、日南二郡界。按交趾之称，今南方夷人，其足大指开广，若并足而立，其指相交，故曰交趾，吴黄武中，以交

趾县远，分为二州，割合浦以北海东四郡立广州，交趾以南立交州。守式又翻。）和遣司马高士廉奉表请入朝，诏许之，遣其子师利迎之。

（摘自司马光《资治通鉴》卷一百九十，第五九四八页）

唐纪八，太宗贞观元年（公元627年）初，隋末丧乱，豪杰并起，拥众据地，自相雄长；唐兴，相帅来归，上皇为之割置州县以宠禄之，（帅，读率。）应是州县之数，倍于开皇、大业之间。上以民少吏多，思革其弊；二月，命大加并省，因山川形便，分为十道：一曰关内，二曰河南，三曰河东，四曰河北，五曰山南，六曰陇右，七曰淮南，八曰江南，九曰剑南，十曰岭南。

（摘自司马光《资治通鉴》卷一百九十二，第六〇三二页）

唐高宗上元元年（公元674年），是岁，有刘晓者，上疏论选，以为：“今选曹以检勘为公道，（检勘者，谓考其功过，察其假名承伪，隐冒升降）书判为得人，殊不知考其德行才能。况书判借人者众矣。又，礼部取士，专用文章为甲乙，故天下之士，皆舍德行而趋文艺，有朝登甲科而夕陷刑辟者，虽日诵万言，何关理体！（理体，即治道）文成七岁，未足化人。况尽心卉木之间，极笔烟霞之际，以斯成俗，岂非大谬！夫人之慕名，如水趋下，上有所好，下必甚焉。陛下若取士以德行为先，文艺为末，则多士雷奔，四方风动矣！”

（摘自司马光《资治通鉴》第十四册，卷二百二，第六三七四页）

容州治普宁县，汉合浦县地，今州西有容山而名。

（摘自司马光《资治通鉴》第十五册，卷二百二十四，第七二一六页）

唐则天延载元年（公元694年），壬寅，贬昭德为南宾尉，（南宾县属钦州，本汉合浦县地，隋开皇十八年置南宾县），寻又免死流窜。

岭南獠反，以容州都督张玄遇为桂、永等州经略大使以讨之，（容州，汉合浦县地，隋为合浦郡之北流县，唐武德四年，分置铜州，贞观元年改容州，因容山为名）。

（摘自司马光《资治通鉴》第十四册，卷二百五，第六九四页）

唐中宗神龙二年（公元706年），武三思使郑倍告朗州刺史敬暉、亳州刺史韦彦范（彦范时赐姓韦，因而称之。愔，于今翻。毫，旁各翻）。襄州刺史张柬

之、郢州刺史袁恕已、均州刺史崔玄喑与王同皎通谋。六月，戊寅，贬晖崖州司马，彦范洺州司马，柬之新州司马，恕已宾州司马，玄喑白州司马（白州，汉合浦县地，武德初置南州，仍分合浦置博白县，六年改曰白州）。

（摘自司马光《资治通鉴》第十四册，卷二百八，第六六〇三页）

中宗景龙元年（公元707年），石城县属罗州，汉合浦县地。刘昫曰：宋将檀道济于浚罗江口筑石城，后因置罗州，唐置石城县。欧阳修曰：以石城水为名。

（摘自司马光《资治通鉴》第十四册，卷二百八，第六六一二页）

潘州，古西瓠、骆越地，汉属合浦郡界。江左置定州郡，隋废郡为县，唐武德四年置南岩州，贞观八年改潘州，以潘水为名。

（摘自司马光《资治通鉴》第十四册，卷二百一十，第六六八三页）

良德亦汉合浦县地，吴置高凉郡，陈分置务德县，后改为良德。浔州，汉布山、阿林之地，梁于布山地置桂平郡，隋废郡为县，又于阿林地置皇化县，隋废人桂平。贞观七年置浔州，治桂平，复置皇化县属焉。

（摘自司马光《资治通鉴》第十四册，卷二百一十三，第六七八六页）

唐玄宗天宝十二载（公元753年），壬辰，以左武卫大将军何复光将岭南五府兵（五府：广、桂、邕、蒙[容]、交）击南诏。

（摘自司马光《资治通鉴》第十五册，卷二百一十六，第六九一八页）

至德元载升五府经略使为岭南节度，（兼统岭南节度使何履光）领南海等二十二郡。

（摘自司马光《资治通鉴》第十五册，卷二百一十八，第六九六二页）

安南经略使为节度使，领交、陆等十一州（安南节度使领交、陆、峰、爱、驩、长、福禄、芝、武莪、演、武安十一州，治交州）。

（摘自司马光《资治通鉴》第十五册，卷二百二十，第七〇六六页）

唐代宗大历元年（公元766年），以陇右行军司马陈少遊为桂管观察使。（桂管领桂、昭、贺、富、藤、梧、潘、白、廉、绣、钦、横、邕、融、柳、贵十七州。刘昫曰：桂管十五州，在广州西，桂、昭、富、梧、蒙、龚、浔、郁林、平琴、宾、澄、绣、象、柳、融）。

（摘自司马光《资治通鉴》第十五册，卷二百二十四，第七一九三页）

德宗皇帝时居谅阴，庶政皆委于祐甫，所言无不允。初，至德以后，天下用兵，诸将竞论功赏，故官爵不能无滥。及永泰以来，天下稍平，而元载、王缙秉政，四方以贿求官者相属于门，大者出于载、缙，小者出于卓类倩等，皆如所欲而去。及常袞为相，思革其弊，杜绝侥幸，四方奏请，一切不兴；而无所甄别，贤愚同滞。崔祐甫代之，欲收时望，推荐引拔，常无虚日；作相未二百日，除官八百人，前后相矫，终不得其适。上尝谓祐甫曰：“人或谤卿，所用多涉亲故，何也？”对曰：“臣为陛下选择百官，不敢不详慎。苟平生未之识，何以谥其才行而用之。”上以为然。

臣光曰：“臣闻用人者，无亲疏、新故之殊，惟贤、不肖之察。其人未必贤也，以亲故而取之，固非公也；苟贤矣，以亲故而舍之，亦非公也。夫天下之贤，固非一人所能尽也，若必待素识熟其才行而用之，所遗亦多矣。古之为相者则不然，举之以众，取之以公。众曰贤矣，已虽不知其详，姑用之，待其无功，然后退之，有功则进之；所举得其人则赏之，非其人则罚之。进退赏罚，皆众人所共然也，已不置豪之私于其间。苟推是心以行之，又何遗贤旷官之足病哉！”

（摘自司马光《资治通鉴》第十五册，卷二五二五，第七二五八页）

南州刺史庞孝恭页五九六七

史炤释文曰：南州，属剑南道，羁縻州，武德二年，开南蛮置。三年更名焚州，四年复故名。（费本同）余按新唐书地理志，武德四年，以合浦郡之合浦、南昌二县置南州。通鉴下文书南越州宁道明、高州首领冯暄俱反。南越州今之廉州，高州今犹如故。则三州相挺而反，皆在岭南道，此所谓南州，乃合浦之南州，非剑南之羁縻州明矣。

（摘自通鉴释文辨误卷第九页一二二至一二三）

太和八年（公元834年），德裕、时宗闵各有朋党，互相挤援。上患之，每叹曰：“去河北贼易，去朝廷朋党难！”

臣光曰：夫君子小人之不相容，犹冰炭之不可同器而处也。故君子得位则斥小人，小人得势则排君子，此自然之理也。然君子进贤退不肖，其处心也公，其

指事也实；小人誉其所好，毁其所恶，其处心也私，其指事也诬。公且实者谓之正直，私且诬者谓之朋党，在人主所以辨之耳。是以明主在上：度德而叙位，量能而授官；有功者赏，有罪者刑；奸不能惑，佞不能移。夫如是，则朋党何自生哉！彼昏主则不然，明不能烛，强不能断；邪正并进，毁誉交至；取舍不在于己，威福潜移于人。于是谗匿得志而朋党之议兴矣。

夫木腐而蠹生，醯酸而蚋集，故朝廷有朋党，则人主当自咎而不当以咎群臣也。文宗苟患群臣之朋党，何不察其所毁誉者为实，为诬，所进退者为贤，为不肖，其心为公，为私，其人为君子，为小人！苟实也，贤也，公也，君子也，匪徒用其言，又当进之；诬也，不肖也，私也，小人也，匪徒弃其言，又当刑之。如是，虽驱之使为朋党，孰敢哉！释是不为，乃怨群臣之难治，是犹不种不芸而怨田之芜也。朝中之党且不能去，况河北贼乎！

代宗大历十四年至德宗建中元年，（公元 779 至 780 年间）。代宗皇帝主动问都官员外郎关祐，为政之要是什么？他答曰：“为政之本，必求有道贤人与之为理。”代宗皇帝李豫说：“朕比以下诏求贤（比进也）。又遣使臣广加搜访，庶几可以为理乎！”关祐又说：“下治所求及使者所荐，惟得文词干进之士耳，安有有道贤人肯随牒举选乎！”上悦。

建中四年，上乃遣中使谕之曰：“朕本性甚好推诚，亦能纳谏。将谓君臣一体，全不提防，缘推诚不疑，多被奸人卖弄。今所致患害，朕思亦无他，其失反在推诚。又，谏官论事，少能慎密，例自矜街，归过于朕以自取名。朕从即位以来，见奏对论事者甚多，大抵皆是雷同，道听途说，（孔子有言：道听而途说，德之弃也。马融注曰：谓闻于道路，则传而说之。）试加质问，遽即辞穷。若有奇才异能，在朕岂惜拔擢。朕见从前以来，事只如此，所以近来不多取次对人，亦非倦于接纳。卿宜深悉此意。”

（摘自司马光《资治通鉴》第十六册，卷二百二十九，第七三八一至七三八二页）

春州，汉合浦郡高凉县地，隋为高凉郡之阳春县，唐置春州。

（摘自司马光《资治通鉴》第十六册，卷二百三十八，第七六八三页）

唐德宗建中四年（公元783年），贬杞为新州司马，白志贞为恩州司马。（恩州，属汉合浦郡地。萧齐为齐安郡，隋废郡为海安县；唐贞观二十三年，以高州之四平、海安、杜陵置恩州，海安改曰恩平；天宝曰恩平郡，乾元复为恩州。宋平王则，改贝州曰恩州，遂以此州为南恩州。宋白谓此州濒海，最为蒸湿，当海南五郡泛海路。此路自广泛海，行数日方登陆，人惮海波，不由此路，多由新州陆去，唯健步出使，与遁符牒经过耳。新州，治新兴县，秦取陆梁地置象郡，今州即其地。晋永和分苍梧郡，于此置新宁郡，梁武帝立新州。所谓新兴县，汉合浦郡临元县也。）

（摘自司马光《资治通鉴》第十六册，卷二百二十九，第七三八五页）

（宋白日：雷州，汉合浦郡之徐闻县地，梁分置合州、大同末以合肥为合州，以此为南合州，唐改雷州。）

（摘自司马光《资治通鉴》第十六册，卷二百三十七，第七六三五页）

七年，分交、广置越州，治临漳。

史熠释文曰：临漳本汉邺县地。（海陵本同）余按晋愍帝常伟邺，改邺县为临漳，寻论设于石勒，后为邺县。东魏天平初，始复分邺立临漳县。宋分交、广置越州，安能远到界治魏郡之临漳！刘昫曰：廉州合浦县，宋分治临漳郡。则越州之所治者，合浦之临漳也。

（摘自司马光《资治通鉴》第十七册，卷一百三十三，第四一五六页）

宪宗元和十四年（公元819年）冬，十月，壬戌，容管奏安南贼杨清陷都护府（安南都护府，治交州）。杀都护李象古及妻子、官属、部曲千余人。象古，道古之兄也，以贪纵苛刻失众心。清世为蛮酋，象古召为牙将，清郁郁不得志。象古命清将兵三千讨黄洞蛮，（黄洞蛮即西原蛮，其属黄氏者，谓之黄洞蛮）。清因人心怨怒，引兵夜还，袭府城，陷之。

初，蛮贼黄少卿，自贞元以来数反覆，桂管观察使裴行立（唐桂管管桂、昭、蒙、富、梧、浔、龚、郁林、平琴、宾、澄、绣、象、柳、融等州）、容管经略使阳曼欲徼幸立功，争请讨之，上从之。岭南节度使孔戣谏曰：“此禽兽耳，但可自计利害，不足与论是非。”上不听，大发江、湖兵。会容、桂二管道入讨，

士卒被瘴疠，死者不可胜计。安南乘之，遂杀都护。行立、旻竟无功，二管凋弊，惟戮所部晏然。

（摘自司马光《资治通鉴》第十七册，卷二百四十一，第七七七四页）

懿宗咸通四年（863年），六月，废安南都护府，置行交州于海门镇；以右监门将军宋戎为行交州刺史，以康承训兼领安南及诸军行营。

（摘自司马光《资治通鉴》第十七册，卷二百五十，第八一〇五页）

马伏波有余兵十家不返，居寿洽县。自相婚姻，有二百户，以其流寓，号马留。衣食与华同。山川移易，铜柱入海，以此民为识耳，亦曰马留。

（摘自《酉阳杂俎》第四十七页，一九三条）

越州，镇临漳郡，本合浦北界也。夷獠丛居，隐伏岩障，寇盗不宾，略无编户。宋泰始中，西江督护陈伯绍猎北地，见二青牛惊走入草，使人逐之不得，乃志其处，云“此地当有奇祥”，启立为越州。七年，始置百梁、陇苏、永宁、安昌、富昌、南流六郡，割广、交朱□三郡属。元徽二年，以伯绍为刺史，始立州镇，穿山为城门，威服俚獠。土有瘴气杀人。汉世交州刺史每暑月辄避处高，今交土调和，越瘴独甚。刺史常事戎马，唯以贬伐为务。

临漳郡：漳平、丹城、劳石、容城、长石、都并、缓端。

合浦郡：徐闻、合浦、朱卢、新安、晋始、荡昌、朱丰、宋丰、宋广。

（摘自《南齐书·州郡志》，中华书局，卷十四，第二六七页）

粤地，牵牛、婺女之分壑（野）也。今之苍梧、郁林、合浦、交趾、九真、南海、日南，皆粤分也。

其君禹后，帝少康之庶子云，封于会稽，（臣瓚曰：“自交趾至会稽七八千里，百粤杂处，各有种姓，不得尽云少康之后也。按世本，越为芊姓，与楚同祖，故国语曰芊姓芊越，然则越非禹后明矣。又芊姓之越，亦勾践之后，不谓南越也。”师古曰：“越之为号，其来尚矣，少康封庶子以主禹祠，君于越地耳。故此志云其君禹后，岂谓百越之人皆禹苗裔？瓚说非也”。）文身断发，以避蛟龙之害。后二十世，至勾践称王，与吴王阖庐战，败之雋李。夫差立，勾践乘复伐吴，吴大破之，棲会稽，臣服请平。后用范蠡、大夫种计，遂伐灭吴，兼并其地。度准与

齐、晋诸侯会，致贡于周。周元王使使赐命为伯，诸侯毕贺。后五世为楚所灭，子孙分散，君服于楚，后十世，至闽君摇，佐诸侯平秦。汉兴，复立摇为越王。是时，秦南海尉赵佗亦自王，传国至武帝时，尽灭以为郡云。

处近海，多犀、象、毒冒、珠玕、银、铜、果、布之凑，（韦昭曰：果谓龙眼、离枝之属。布，葛布也。师古曰：毒音代。冒音莫内反。玕谓珠之不圆者也，音祈，又音机，布谓诸杂细布皆是也。）中国往商贾者多取富焉。番禺，其一都会也。

（摘自《汉书》志四，九，卷二十八下，地理志第八下，第一六六九页）

自合浦徐闻南入海，得大州，东西南北方千里，武帝元封元年略以为儋耳、珠崖郡。民皆服布如单被，穿中央为贯头。（师古曰：著时从头而贯之。）男子耕农，种禾稻纡麻，女子桑蚕织绩。亡马与虎，民有五畜（牛、羊、豕、鸡、犬），山多麀麋。（师古曰：麀似鹿而大，麋似鹿而小。麀音主，麋音京。）兵则矛、盾、木弓弩、竹矢，或骨为镞（矢锋）。自初为郡县，吏率中国人多侵陵之，故率数岁一反。元帝时，遂罢弃之。

自日南障塞，徐闻、合浦船行可五月，有都元国，又船行可四月，有邑卢没国，又船行可二十余日，有谿离国，步行可十余日，有夫甘都卢国。自夫甘都卢国船行可二月余，有黄支国，民俗略与珠崖相类。其州广大，户口多，多异物，自武帝以来皆献见。有译长，属黄门。与应募者俱入海市明珠，璧流离，奇石异物，赍黄金杂繒而往。所至国皆稟食为耦，蛮夷贾船，转运致之，亦利交易，剽杀人（劫也）。又苦逢风波溺死，不者数年来还。大珠至围二寸以下。平帝元始中，王莽辅政，欲耀威德，厚遗黄支王，令遣使献生犀牛，自黄支船行可八月，到皮宗，船行可八（二）月，到日南、象林界云。黄支之南，有已程不国，汉之译使自此还矣。

孟尝，字伯周，会稽上虞人也。其三世为郡吏，并伏节死难。尝少脩操行，仕郡为户曹史。上虞有寡妇至孝养姑。姑年老寿终，夫女弟先怀嫌忌，乃诬妇厌苦供养，加鸩其母，列讼县庭。郡不加寻察，遂结竟其罪。尝先知枉状，备言之

于太守，太守不为理，尝哀泣外门，因谢病去，妇竟冤死。自是郡中连旱二年，祷请无所获。后太安殷丹到官，访问其故，尝诣府具陈寡妇冤诬之事。因曰：“昔东海孝妇，感天致旱，于公一言，甘泽时降。宜戮讼者，以谢冤魂，庶幽枉获申，时雨可期。”丹从之，即刑讼女而祭妇墓，天应澍雨，谷稼以登。

尝后策孝廉，举茂才，拜徐令。州郡表其能，迁合浦太守。郡不产谷实，而海出珠宝，与交趾比境，常通商贩，贸采粮食。先时宰守并多贪秽，诡人采求，不知纪极。珠遂渐徙于交趾郡界。于是行旅不至，人物无资，贫者饿死于道。尝到官，革易前敝，求民病利。未曾渝岁，去珠复还，百姓皆反其业。商货流通，称为神明。

以病自上，被徵当还，吏民攀车请之。尝既不得进，乃载乡民船夜遁去。隐处穷泽，身自耕慵。邻县士民慕其德，就居止者百余家。

桓帝时，尚书同郡杨乔上书荐尝曰：“臣前后七表言故合浦太守孟尝，而身轻言微，终不蒙察。区区破心，徒然而已。尝安仁弘义，耽乐道德，清行出俗，能干绝群。前更守宰，移风改政，去珠复还，饥民蒙活，且南海多珍，财产易积，掌握之内，价盈兼金，而尝单身谢病，躬耕垄次，匿景藏采，不扬华藻。实羽翮之美用，非徒腹背之毛也。而沉沦草莽，好爵莫及。廊庙之宝，弃于沟渠。且年岁有讫，桑榆行尽。而忠贞之节，永谢圣时。臣诚伤心，私用流涕。夫物以远至为珍。士以稀见为贵。槩木朽株，为万乘用者，左右为之容耳。王者取士，宜拔众之所贵。臣以斗筲之姿，趋走日月之侧。思立微节，不敢苟私乡曲。窃感禽息，亡身进贤。尝竟不见用。年七十，卒于家。

（摘自《后汉书》传十，卷七十六，循吏列传六十六，第十二册，二百四十七页）

(1)王范：交广春秋曰：“交州治赢陵县，元封五年移治苍梧广信县，建安十五年治番禺县。诏收以州边远，使持节，并七郡皆授鼓吹，以重威镇。”

南海郡，武帝置。洛阳南七一〇里〇，七城，户七一四七七，口二五二八二〇。（番禺、博罗、中宿、龙川、四会、揭阳、增城。）

苍梧郡，武帝置。洛阳南六四一〇里，十一城，户一一一三九五，口四六六

九七五。(广信、谢沐、高要、封阳、临贺、端谿、冯乘、富川、荔浦、猛陵、鄣平。)

郁林郡，秦桂林郡，武帝更名。洛阳六五〇〇里，十一城。(布山、安广、阿林、广郁、中溜、桂林、潭中、临尘、定周、坛食、领方。)

合浦郡，武帝置。洛阳南九一九一里，五城，户二三一二一，口八六六一七。(合浦、徐闻、高凉、临允、朱崖。)

交趾郡，武帝置，即安阳王国。洛阳一一〇〇〇里，十二城。(龙编、赢\$、安定、苟漏、麓冷、曲阳、北带、稽徐、西于、朱戴、封溪。建武十九年置，望海建武十九年置。)

九真郡，武帝置。洛阳南一一五八〇里，五城，户四六五一三，口二〇九八九四。(胥浦、居风、咸欢、无功、龙编。)

日南郡，秦象郡，武帝更名。洛阳南一三四〇〇里，五城，户一八二六三，口一〇〇六七六。(西卷、朱吾、卢容、象林、北景。)

(摘自《后汉书》交州刺史部，郡七、县五十六(1))

南粤王赵佗，真定人也。秦并天下，略定扬粤，置桂林、南海、象郡，以適徙民与粤杂处。十三岁，至二世时，南海尉任嚣，病且死，召龙川令赵佗语曰：……故召之告之，闻陈胜等作乱，豪杰叛秦相立，南海辟远，恐盗兵侵此，吾欲兴兵绝新道，自备待诸侯变，会疾甚。且番禺负山险阻，南北东西数千里，颇有中国人相辅，此亦一州之主，可为国。郡中长使亡足与谋者，故召公告之，即被佗书，行南海尉事。嚣死，佗即移檄告横浦、阳山、湟溪关。曰：“盗兵且至，急绝道聚兵自守。”因稍以法诛秦所置吏，以其党为守假，秦已灭，佗即击并桂林、象郡，自立为南粤武王。

(摘自《汉书》，十一卷，[傅五]，三八四七页)

合浦郡，武帝元鼎六年开，莽曰桓合，属交州。户万五千三百九十八，口七万八千九百八十。县五：徐闻、高凉、合浦、有关，莽曰桓宁。临允牢水北入高要人郁，过郡三，行五百三十里，莽曰大允。朱庐。

(摘自《汉书》六卷，杰(三)，一六三〇页)

五月，诏曰：“粤人之俗，好相攻击，前时秦徙中县之民南方三郡，使与百粤杂处，会天下诛秦，南海尉佗居南方长治之，甚有文理。中县人以故不耗减，粤人相攻击之俗盖止，俱赖其力。今立佗为南粤王。”使陆贾即授玺绶，佗稽首称臣。

（摘自《汉书》一纪，七三页）

诏曰：“南武侯织亦粤之世也，立以为南粤王”[一]

[一]文颖曰：“高祖五年，以象郡、桂林、南海、长沙立吴芮为长沙王。象郡、桂林、南粤属尉佗，佗未降。遥虚夺以封芮耳。后佗降汉，十一年，更立佗为南越王，自此王三郡，芮唯得长沙、桂林、零陵耳。今后封织为南海王，复遥夺佗一郡，织未得王之。”

（摘自《汉书》一纪，七七页）

秋七月，都廐灾。南越王赵佗称臣奉贡。

（摘自《汉书》一纪，八九页）

五年春，南粤王尉佗自称南武帝。秋八月，淮阳王疆薨。九月，发河东，上党骑屯北址。

（摘自《汉书》一纪，九九页）

行东，收幸侯氏，至左邑桐乡，闻南越破，以为闻喜县。春，至汲新中乡，得吕嘉首，以为获嘉县。驰义侯遣兵未及下，上便令征西南夷，平之，遂定越地，以为南海、苍梧、郁林、合浦、交趾、九真、日南、珠崖、儋耳郡。定西南夷，以为武都、牂牁、越雋、沈黎、文山郡。

（摘自《汉书》一纪，一八八页）

秋，罢象郡，分属郁林、群舸。

（摘自《汉书》一纪，二三一页）

代长合浦之林宗汉

自桂军翁照垣，南下钦廉各县，县官多逃之天天，翁特召集各界推举临时县长，维持治安。合浦县长，经由各界推举林宗汉承乏，已于去年卅日就职，用将林氏略历纪之。林宗汉，字仪，邑之白沙圩人，林国佩之兄，林翼中之叔也。林

氏年迈古稀，入属时代，曾充团附，年来历充钦廉沙田局长，北海舶来农产税委员，及县参议会议长。其人貌谨愿，而主观强，善经营，操计然术，邑中某汽车公司，即其经营。尚迷信，崇鬼神，扶乩礼佛，有大士风，此次出任临时县长，系出某方之意，现县内经费，异常拮据，无事可办，县民呼之为「秃头县长」云。

（摘自《探海灯半周刊》中华民国二十五年十月十七日 星期六（丙子年九月初三日）

翁照垣在北海宣布戒严。

蒋召见刁作谦询真相并电李、白促撤回翁照垣。

请张群彻底护侨，日舰四艘已为青南下。

香港，翁照垣在北海宣布戒严。

香港，九月八日召见刘斐，十日召见刁作谦，询北海中野事件，正派员查真相，并电李、白撤回翁照垣部。

南京，日大使馆一等秘书须磨，十日下午四时赴外部谒张外长，声明日政府对本月三日粤北海发生中野被害事件，决心派员往调查，希我政府妥为保护，予以便利，张外长答以。北海日人被害，虽当地情形特殊，原因不明，但本人对死者甚惜，对保卫日方所派之调查员已电粤省照办，努力保侨乃我国政府一贯方针，此后当更加注意。

（摘自《申报》（三版））

### 《资治通鉴》有关资料编目

- (1) 公元前二一四年，置桂林、南海、象郡。
- (2) 公元前一九六年，诏立秦南海尉赵佗为南粤王。
- (3) 公元前一八三年，佗自称南越武帝。
- (4)～(5) 公元前一七九年，赵佗去帝制，为藩臣。
- (6) 公元前一三七年，赵佗死。
- (7) 公元前一一三年，赵佗孙薨。
- (8) 公元前一一二至一一一年，平南越，以其地为南海、合浦等九郡。
- (9) 公元前一〇九年，汉平两越，平西南夷，置郡十七。

- (10) 公元前七六至七五年，罢象郡，分属桂林、牂牁。
- (11) 公元前二九年设交州。
- (12) 公元三六年，费贻仕至合浦太守。
- (13) 交趾太守苏定以法绳征侧之父。
- (14) 征侧与征贰反。
- (15) 公元四一至四二年马援击交趾。
- (16) 公元八三年以郑弘为大司农，弘奏宜省贡献。
- (17) 公元一〇三年，和帝下诏勿复受献。
- (18) 公元一一六年，春蛮夷反，冬降。
- (19) 公元一七八年，合浦、交趾乌浒蛮反。
- (20) 公元一八一年，交趾为乱，诏朱俊为刺史，尽定。
- (21) 公元一八四年，贾琮为交趾刺史。
- (22) 公元二一〇年，士燮为交趾太守。
- (23) 公元二二一年，帝遣使求贡。
- (24) 公元二二六年，交趾太守士燮卒。
- (25) 公元二四八年，以陆胤为交州刺史。
- (26) 公元二六八至二六九年，毛炅、董元攻合浦，战于古城。
- (27) 公元二六九至二七〇年吴主遣虞汜、薛翊等建安南道，会于合浦击交趾。
- (28) 公元二七一年薛翊、陶璜共攻交趾。
- (29) 公元二八〇年，武帝下诏，陶璜上言。
- (30) 公元三一一年，南阳王模兼督交、广州诸军事。
- (31) 公元三一五年，交州刺史顾秘卒。
- (32) 公元三二三年，梁硕据交州，凶暴失众心。
- (33) 公元四一一年，卢循兵败，投水自杀。
- (34) 公元四六四年，诸郡连年旱饥。
- (35) 公元四七一年（泰始七年）春，二月分交、广置越州，治临漳。

(36) 公元四七一年，太子寿寂徙越州，于道被杀。

(37) 范成大解释蛋的种类。

(38) 公元四七九年，交州刺史李长仁卒。

(39) 公元四八〇年，齐之境内州、郡、县情况。

(40) 公元四八四年，交州刺史李叔献断外国贡献，上欲讨之。

(41) 公元四八五年，大司农刘楷为交州刺史。

(42) 公元五一一至五一二年，州、郡、县情况。

(43) 公元五四一年，割潘州、合浦，立高州，在隋海康县界。

(44) 公元五四二年，孙罔讨李贲到合浦，众溃而归。

(45) 公元五四八年，封山县属合浦郡。

(46) 公元五五〇年，高凉冼氏助冯氏行其政。

(47) 公元五八九年，数郡奉高凉冼氏为主。

(48) 公元前四七年的采取法。

(49) 公元六二二年，割合浦以北海东四郡立广州。

(50) 公元六九四至六九五年，贬贻德为南宾尉。

(51) 公元六七四年，刘暹上疏论选。

(52) 公元六六二年，白州本汉合浦县地。

(53) 公元六五三年，汉允吾县属合浦郡。

(54) 公元六一八年，萧铣即皇帝位。

(55) 公元六二〇年，广、新二州贼帅杀隋官。

(56) 容州汉合浦县地。

(57) 公元七〇六年，玄暉为白州司马。

(58) 公元七〇七年，罗州汉合浦县地（石城县）。

(59) 潘州汉属合浦郡界。

(60) 良德亦汉合浦县地。

(61) 公元七五三年，何复光击南诏。

(62) 开岭南节度使。

(63) 安南经略使为节度使。

(64) 公元七六六年，陈少遊为桂管观察使。

(65) 司马光用人之论。

(66) 武德四年，以合浦郡之合浦、南昌二县置南州。

(67) 公元八三四年，司马光对朋党的看法。

(68) 代宗皇帝和关揆对求贤的看法。

(69) 建中四年，德宗皇帝与陆贽对谏官的看法。

(70) 春州，汉合浦郡高凉地。

(71) 公元七八三年，贬白志贞为恩州（合浦郡地）司马。

(72) 雷州，汉合浦郡之徐闻县地。

(73) 李逢吉行贿受重用。

(74) 越州之所治者，合浦之临漳也。

(75) 公元八一九年，安南贼杨清陷都护府（治交州）。

(76) 公元八六三年六月，废安南都护府，置行交州于海门镇。

(77) 马伏波余兵十家不返。

(78) 越州，镇临漳郡。

(79)～(80) 粤地分野。

(81)～(82) 孟尝传。

(83) 合浦郡，武帝置。

(84) 赵佗·合浦郡。

(85)～(86) 赵佗有关情况。

(87) 合浦代县长林宗汉。

(88) 翁照垣在北海宣布戒严。

（摘自《资治通鉴》《申报》）